

Inatsisartut aalajagiiffigisassaattut siunnersuutigineqarpoq,naalakkersuisut ukioq 2017 naatinnagu kaajallaasitamik nutaamik atulersitsissasut pisortat pisiortortarnerat pillugu, Tassanilu aamma kiffartuusinerit ilangullugit naleqqussarneqarnisaa,siunertaralugu neqerooruteqartitsisarnermut inatsisissamut tungavissiiinissaq eqqarsaatigalugu,soorlu tamanna inatsisartut UPA 2015/118-imi akuersarneqarneratigut pisussangortinneqartoq. (Inatsisartunut ilaasortaq,Mala Høy Kuko atassut.)

Siumumiit imatut oqaaseqarfigissavarput,

Siunnersuuteqartup naalakkerusisut pisortat pisiortortarnerat kaajallaasitaliorneqaqqullugu aalajagiiffigisassatut siunnersuuteqarpoq,tassanilu aamma kiffartuusinerit ilangullugit naleqqussarneqarnisaa, Siunertaralungu neqerooruteqartitsisarnermut inatsisissamut tungavissiiinissaq eqqarsaatigalugu siunersuutigaa naalakkerusisut kaajallaasitaliussasut, Siunnersuumittaaq anguniarneqarpoq pisortani anigaasartuutikillisaanissaq siunertaralugu aqutsilluartoqassasoq,

Inatsisit atuutut malillugit inatsisartut sulinerat immikkoortinneqarpoq ,inatsisiliornikkut suliasat inatsisartuni suliarineqarsinnaaqqullugit,naalakkersuisullu aamma sulinerminni akisussaaneq pillugu inatsisikkut erseqqissaavigineqarput anigaasaqarnikkut akuersissutaasut malissallugit pisussaafigigaat,taamatuttaarlu sullisinermi sinaakutit ersarissumik nalorninagitsumillu pisussaafiliisussaamata pisariaqartillugu naalakkerusisut pisussaapput naliliinertik naapertorlugu sinaakutaasunik nalunaarutitik kaajallaasitanillu sullissinermi ersarissunik tungavissaqarnissaq pisariaqartutut isigigunikku suliaqassallutik.Siumumiit qularingilarput naalakkersuisut tamanna malikkaat, aamma anigaasanik atuinissamut tamanna pisariaqalersimassappat pisussafiuvoq inatsisartuni aalajagiinerit malissallugit. Nalakkersuisut akissuteqaataani suliasap aallartissimanera oqariartuutigineqarpoq, tamannalu tapersiinnarsinnaavarput

nalunaarutitigut kaajallaasitatigullu erseqqisaasoqartariaqalertarnera naalakkerusisut akisussaafigaa, aamma tamanna malinniarlugu allanguutissamik siunnersuuteqarput inatsisitigut nutarterisoqarsimappat malitassanut erseqqissunik malitteqartitsilluni nalunaarutitigut

kaajallaasitatigullu pisariaqartitsinermut naapertuutumik nalunaarutit kaajallaasitallu aqcutigalugit
ersarisaassallutik.

Siumumi taamatut oqaaseqarluta,naalakkersuisut allanguutissatut siunnersuutaat ilalerparput,
Aapassaaneerneqartinnanilu ataatsimiititaliami sussassaqtumi suliarineqarnissaa innersuupparput.

Jens Immanuelson

Siumut